

元和郡縣志卷八

唐 李吉甫 撰

河南道三

汴州

陳留雄

開元戶八萬二千一百九十 鄉一百六十
元和戶八千二百一十八 鄉五十三
今為汴宋節度使理所 管汴州宋州亳州潁州
管縣二十八 都管戶三
萬一千四百四十四

禹貢豫州之域春秋鄭地戰國魏都史記魏惠王自安
邑徙理大梁即今浚儀縣秦為三川郡地漢陳留郡之

元和郡縣志

卷八

一

浚儀縣也酈生說漢高曰陳留天下之衝四通五達之
郊漢文帝以皇子武為梁王都大梁以其地卑濕東徙
睢陽今宋州是也漢陳留郡即今陳留縣東魏孝靜帝
于此置梁州周宣帝改為汴州 以城臨注
水故也 隋大業二年
州廢以開封浚儀屬鄭州隋亂陷賊武德四年平王世
充復置汴州

州境 東西一百九十六里
南北二百三十五里

八到 東至上都一千二百八十里
西至東都四百二十里

南至宋州三百里
東南至陳州三百一十里

北至滑州二百一十里
東北至曹州二百四十五里

貢賦 開元貢 緡二十疋
賦 緡 緡

管縣六

開封 浚儀 陳留 雍邱 封邱 尉氏

開封縣 望郭下理東界

本漢舊縣屬河南郡魏為秦所敗走保開封此城也晉屬滎陽郡後魏天平元年于此置開封郡高齊天保七年廢隋開皇六年復置開封縣屬汴州大業二年廢汴州以縣屬鄭州武德四年重置汴州開封又屬焉貞觀元和郡縣志 卷八 二 元年廢延和元年于城內別置開封縣管東界蓬澤在縣東北十四里今號蓬池左氏所謂蓬澤也長垣故城一名倉垣城在縣北二十里漢陳留太守所理

梁王吹臺在縣東南六里俗號繁臺

沙海在縣北二里戰國策齊欲發卒取周九鼎顏率說曰夫梁之君臣欲得九鼎謀之沙海之上其日久矣即謂此也隋文疏鑿舊跡引汴水注之以習舟師以伐陳陳平之後立碑其側以紀功焉今無水

蓼堤在縣東北六里高六尺廣四丈梁孝王都大梁以其地卑濕東徙睢陽乃築此堤至宋州凡三百里

浚儀縣

望郭下理西界

本漢舊縣屬陳留郡故大梁也魏惠王自安邑徙此因浚水為名後魏于此置梁州周宣帝改為汴州縣屬之隋大業二年廢汴州改屬鄭州武德四年于此重置汴州以縣屬焉

夷門史記大梁城有十二門東門隱士侯嬴年七十家貧為夷門監者魏公子無忌厚遺之不肯受遺

元和郡縣志

卷八

三

枯遮梁溝秦始皇二十二年王賁引水灌大梁城于此溝

琵琶溝水西自中牟縣界流入通濟渠隋煬帝欲幸江都自大梁城西南鑿渠引汴水即葭蕩渠也

陳留縣

望西至州五十里

本漢陳留郡陳留縣地武帝置陳留郡屬兗州按留本鄭邑後為陳所并故曰陳留又按彭城亦有留此留屬陳故稱陳留晉為陳留國隋開皇三年分浚儀縣置陳留縣屬汴州武德四年屬杞州今汴州雍邱縣是也貞

觀元年廢杞州屬汴州

故莘城在縣東北三十五里古莘國地也湯伐桀桀與
韋顧之君拒湯于莘之墟遂戰于鳴條之野

東昏故城本漢縣縣東北九十里卽陽武之戶牖鄉陳
平之故里也

雍邱縣

望西至州一百一十里

本漢舊縣亦古之雍國及杞國周武王克殷封禹後東
樓公于杞後魏孝昌四年分東郡陳留置陽夏郡理雍
邱城隋開皇三年罷郡以縣屬汴州武德四年于此置

元和郡縣志

卷八

四

杞州貞觀元年廢以縣屬汴州

雍邱故城今縣城是也春秋時杞國城也杞爲宋滅城
北臨汴河晉永嘉末鎮西將軍祖逖爲豫州刺史理于
此逖累破石勒軍由是黃河以南皆爲晉土人皆感悅
逖卒百姓立祠

高陽故城縣西南二十九里顓頊高陽氏佐少昊有功
受封此邑高祖攻昌邑西過高陽又酈食其墓在此
外黃故城縣東六十里黃本屬宋後屬陳留郡以魏郡
有內黃故此爲外黃

封印縣 緊南至州五十里

古之封國 左傳魯封父之繁弱是也 後屬衛亦屬魏漢高祖與項羽

戰敗于延鄉有翟母者免其難故以延鄉為封印縣以

封翟母屬陳留郡後魏并入酸棗宣武帝又置封印縣

屬陳留郡隋開皇三年置郡以縣屬汴州

黃池在縣南七里魯哀十三年晉侯與吳子爭盟于此

尉氏縣 望北至州一百里

漢舊縣春秋時鄭大夫尉氏之邑自漢歷後魏屬陳留

郡不改高齊省以地入開封府隋開皇六年復置尉氏

元和郡縣志 卷八 五

縣屬汴州武德四年于此置洧州貞觀元年廢以縣屬

汴州

三亭岡在縣西三十七里秦使謁者王稽使魏夜與范

睢言曰待我于三亭之南即此岡之南也

故鍾城在縣西三十五里魏太尉鍾繇故里

宋州 睢陽望

開元戶十萬三千 鄉一百九十三
元和戶五千二百 鄉八十二

禹貢豫州之域即高辛氏之子閼伯所居商邱今州理

是也周為青州之域武王封微子于宋自微子至君偃

三十三世爲齊魏楚所滅三分其地魏得其梁陳留齊
得濟陰東平楚得沛按梁卽今州地秦并天下改爲碭
郡後改爲梁國漢文帝封子武爲梁王自漢至晉爲梁
國屬豫州宋改爲梁郡隋于睢陽置宋州大業三年又
改爲梁郡隋亂陷賊武德四年討平王世充又爲宋州
天寶末祿山亂兩河郡縣多所陷沒惟張巡許遠姚閻
三人堅守睢陽賊將尹子奇併力攻圍逾年不克城中
孤危糧竭相食殆盡時賀蘭進明許叔冀屯軍臨淮爭
權不協不發援師城竟爲賊所陷巡遠等抗詞不屈遂

元和郡縣志

卷八

六

俱被害然使賊鋒挫衄不至江淮巡遠之力也

州境東西三百五十九里
南北二百一十八里

八到西至上都一千五百八十里
西至東都九百二十里

東南至泗州七百五十里

西南至亳州一百四十里

西北至曹州一百五十里

東北至徐州三百五十里

貢賦開元貢絹二十疋
賦綿絹

管縣十

宋城 碭山 虞城 楚邱 柘城 穀熟

下邑 單父 襄邑 寧陵

宋碭縣 望郭下

漢睢陽縣屬宋國後屬梁國後魏屬梁郡隋開皇三年
罷梁郡以縣屬亳州十六年于此置宋州睢陽屬焉十
八年改爲宋城

睢水西南至寧陵縣界流入

渙水西南自寧陵縣界流入

隕石水源出縣北四十里春秋時隕石于宋其處爲潭
小蒙故城縣北二十二里卽莊周之故里

州城古關伯之墟契孫相士亦都于此春秋爲宋國都

元和郡縣志 卷八

漢梁孝王廣睢陽城七十里開汴河後汴水經州城南

兔園縣東南十里漢梁孝王園

清泠池在縣東二里

碭山縣 上西至州一百五十里

漢碭縣屬梁國後漢不改晉以其地併入下邑宋復置

碭縣屬梁郡後魏屬碭郡高齊文宣帝並廢以安陽縣

屬彭城郡隋開皇十八年改安陽縣爲碭山縣大業二

年改屬宋州碭文石也以其山出文石故以名縣

虞城縣 上西南至州七十里

本虞國舜後所封之邑後漢及晉屬梁國後魏延昌中
于此置蕭縣理虞城屬沛郡高齊省隋開皇十六年分
下邑置虞城縣屬宋州

孟諸澤在縣西北十里周迴五十里俗號盟諸澤

故綸城縣東南三十五里左傳少康逃奔有虞虞妻以
二姚而邑諸綸

平臺縣西四十里左傳宋皇國父爲宋平公所築漢梁
孝王大治宮室爲複道自宮連屬于平臺三十餘里與
鄒枚相如之徒並遊其上卽此也

元和郡縣志

卷八

八

楚邱縣

緊南至州七十里

古戎州己氏之地漢爲己氏縣屬梁國後漢屬濟陰郡
北齊廢隋開皇五年又置屬曹州六年改爲楚邱縣武

德五年屬戴州

今宋州單父縣是也

貞觀十七年廢戴州隸宋州

楚邱故城在縣北三十里

柘城縣

上東北至州一百一十里

本陳之株邑詩陳風株林刺靈公是也至秦爲柘城縣
續漢志屬陳郡至晉太康中廢隋開皇十六年復置貞
觀初廢入穀熟寧陵二縣後縣人徭賦路遠陳訴積年

至高宗朝復置屬宋州其羅城卽古株邑故城是也

渙水在縣北二十九里

穀熟縣

上西北至州五十七里

本漢薄縣地置於古穀城春秋時爲穀邱亦殷之所都謂之南亳漢于此置薄縣屬山陽郡薄與亳義同字異後漢改置穀熟縣屬梁國隋開皇十六年屬宋州隋末喪亂縣人劉繼叔戮力固守免陷于賊武德二年置南穀州以繼叔爲刺史四年罷以縣屬宋州

渙水在縣南二十八里

元和郡縣志

卷八

九

高辛故城在縣西南四十五里帝嚳初封于此

下邑縣

上西至州一百一十里

漢舊縣按魯爲楚所滅頃公遷于下邑漢高祖攻下邑拔之在漢屬梁國後漢無下邑縣魏復立焉晉宋屬梁郡隋開皇三年改屬亳州十六年改屬宋州

故譙城縣北三十一里祖述屯淮陰進據太邱城遂克譙城而居之謂此也

單父縣

緊西南至州一百四十九里

古魯邑也漢以爲縣屬山陽郡後漢以爲侯國屬濟陰

郡後魏置北濟陰郡理單父城隋開皇三年廢郡又置單父縣屬濟陰郡十六年于縣置戴州單父屬焉大業二年廢戴州以縣屬曹州武德五年重置戴州縣又屬焉貞觀十七年廢戴州縣隸宋州

漢高祖后呂氏單父人宓子賤巫馬期皆

宰單
襄邑縣緊東至州一百一十四里

本漢舊縣卽春秋時宋襄牛地也秦始皇徙承筐縣于襄陵改爲襄邑縣漢以縣屬梁後又屬陳留宋屬譙郡高齊文宣帝省入雍邱隋開皇十六年復置襄邑縣屬

元和郡縣志

卷八

十

杞州大業三年割屬梁郡武德二年復置杞州以縣屬焉貞觀元年州廢縣隸宋州

睢水西自雍邱縣界流八

承筐故城在縣西南二十五里

宋襄公墓在縣城中東隅故號襄陵

甯陵縣緊東至州五十九里

本漢舊縣甯亦作甯七國時屬魏魏安釐王以弟無忌爲信陵君邑于此漢初以魏咎爲甯陵君亦在此漢志甯陵屬陳留郡後漢屬梁國晉屬宋郡改屬譙郡高齊

省隋開皇六年復置屬亳州十六年割屬宋州

睢水西北自襄邑縣界流入

渙水西自襄邑界流入

故葛城在縣北十五里古葛伯國以不祀爲湯所滅

大棘故城在縣西南七十里左傳宋華元鄭公子歸生

戰于大棘又七國反先擊梁棘卽此城也

洧陵在縣南二十五里春秋鄭子罕伐宋宋將鉏樂懼
敗諸洧陵

故柘城在縣南七十里陳之株邑

元和郡縣志

卷八

十

故鄢城在縣南五十三里漢之鄢縣鄭伯克段于此

巳吾城在縣西南四十里後漢巳吾縣故城曹公初起
兵于此

始基故城在縣南九十里晉蔡州刺史祖逖督護衛策
所築初乞活魁遣陳川據陳留浚儀遣將魏碩于谷水
南營逖遣策等追戰大破之因卽立戍留守策曰從祖
公北伐數年功始基于此因以爲名

仇留故城在縣南六十五里初陳川自始基敗後遣將
仇留伐鄢以逼蔡州祖逖遣衛策進戍谷北高邱以禦

仇留故呼爲仇留城

亳州 望譙郡

開元戶七萬七百三十二 鄉一百三十七
元和戶六千五百二 鄉一百六十一

禹貢豫州之域至周不改春秋時爲陳國之雋邑六國
時屬楚在秦爲碭郡地漢爲譙縣屬沛郡初後漢熹平
五年黃龍見譙太史單颺以爲其地當有王者興不及
五十年亦當復見後如其言魏文帝卽位黃初元年以
先人舊郡又立爲譙國與長安許昌鄴洛陽號爲五都
後魏復置南兗州周武帝改爲亳州隋亂陷賊武德四

元和郡縣志

卷八

十三

年討平王世充復爲亳州

州境 東西三百六十七里
南北二百里

八到 西 都一千七百二十里
西至東都八百六十里

正南微東至潁州二百六十里
西至陳州二百里

西北至宋州一百四十里
東北至徐州三百九十里

貢賦 開元貢 絹二十疋 黍 稷 麻 麥
賦 綿 絹

管縣八

譙 臨渙 鄴 城父 鹿邑 蒙城

永城 貞源

譙縣緊郭下

漢舊縣屬沛郡晉屬譙郡後魏無譙縣有小黃縣隋開皇三年以小黃縣屬亳州大業二年改小黃縣爲譙縣三年以亳州爲譙郡縣仍屬焉

渦水在縣西四十八里魏黃初六年文帝以舟師自譙循渦入淮

魏文帝祠在縣東五里初魏太祖以議郎告疾歸鄉里築室于此讀書秋冬弋獵以自娛文帝以漢中平四年生于此宅

元和郡縣志

卷八

十三

故梅城在縣南四十里古梅伯國

臨渙縣緊西至州一百六十里

本漢銍縣屬沛郡後漢屬沛國魏屬譙郡梁武帝普通中克銍城置臨渙郡以臨渙水爲名後魏改置渙北縣北齊省臨渙郡改渙北縣爲臨渙縣屬譙郡隋開皇三年廢郡留縣改置譙州神堯嘗爲譙州刺史大業二年改屬亳州武德四年屬譙州貞觀十七年廢譙州縣隸亳州

嵇山在縣西三十里晉稽康家于銍嵇山之下因改姓

嵇氏

鄧縣 上西南至州七十里

秦漢舊縣屬碭郡漢屬沛郡蕭何封鄧侯此邑也魏鄧縣屬譙國後魏省隋開皇十六年復置鄧縣屬沛郡武德四年改屬亳州

城父縣 上西北至州七十九里

春秋時陳國之夷邑亦名城父漢為城父縣屬沛郡後漢屬汝南郡晉屬譙郡宋志闕而有浚儀縣隋開皇十八年以重名復改為城父屬亳州

元和郡縣志

卷八

十四

渦水西北自譙縣界流入

淝水東南至下蔡入淮

扶陽故城在縣東北三十六里漢韋賢封邑

章華臺縣南九里

高陂縣南五十六里周迴四十三里多魚蚌菱芡之利

鹿邑縣 上東至州一百一十七里

本漢鄆縣地春秋時鳴鹿邑屬陳國左傳晉智武子以諸侯之師侵陳至于鳴鹿是也晉屬陳留郡隋開皇三年改屬亳州為鹿邑縣

渦水西北自陳州太康縣界流入

鹿邑故城縣西十三里俗名牙鄉城

案牙互古通王應麟謂即論語之互

鄉春秋時鳴鹿邑也

武平故城縣東北十八里建安元年漢獻帝以曹公為大將軍封武平侯以此城為封邑

蒙城縣上西北至州二百四十里

本漢山桑縣屬沛郡後漢改屬汝南郡魏屬譙郡後魏孝文帝于此置渦州理山桑城其地後入于梁梁于此置西徐州後復入魏改為譙州改譙縣為渦陽縣隋改

元和郡縣志

卷八

五

渦陽為淝水縣武德四年重立山桑縣屬譙州貞觀十七年廢譙州割屬亳州天寶元年改為蒙城縣

縣城北臨渦水後魏渦州城也東魏武定六年侯景叛行臺慕容紹宗破景于此

檀公城本漢山桑縣城宋檀道濟為征北將軍居此因名之

永城縣上西南至州一百四十里

因隋舊縣本秦芒縣地漢不改後為臨睢縣之境晉斡縣地隋大業六年于馬甫城東北三里割彭城睢陽置

縣遂名永城屬譙郡武德五年移于馬甫城屬譙州卽
今理是也貞觀十七年罷譙州以縣屬亳州

碭山縣南五十里漢祖隱芒碭山澤間應劭注芒今在
臨睢卽永城縣是也碭屬梁國今碭山縣是二縣之界
有山澤之固可以隱也

故費城縣南二十里

貞源縣

望東至州五十九里

本楚之芒縣春秋時屬陳後爲楚所併漢屬淮陽國後
漢芒縣屬陳國晉屬梁郡成帝更名谷陽高齊省入武

元和郡縣志

卷八

十六

平縣隋開皇六年復置谷陽縣理芒城屬亳州乾封元
年高宗幸瀨鄉以立元皇帝生于此縣遂改爲貞源縣
甯平故城在縣西南五十五里漢縣也晉永嘉五年永
海王越自陽城率甲士四萬薨于項秘不發喪石勒兵
追之及甯平城焚越屍于此數萬眾斂手受害戶積如
山王夷甫亦遇害

立元皇帝祠縣東一十四里祠院中有九井隋季井皆
竭自武德以來清泉沁漏或云波一井而八井水皆動
李母祠在縣東一十四里乾封元年冊號先天太后今

謂之洞霄宮

潁州 汝陰上

開元戶二萬八千一百七十九 鄉五十六
元和戶一萬一千五百二十九 鄉六十一

禹貢豫州之域春秋胡子國楚滅之秦併天下為潁川

郡之地在漢則汝南郡之汝陰縣也魏晉于此置汝陰

郡司馬宣王使鄧艾于此置屯田後魏孝昌四年改置

潁州高齊罷州置郡隋末陷賊武德四年討平王世充

于汝陰縣西北十里置信州六年改為潁州移于今理

州境 東西三百五十七里
南北一百九十六里

元和郡縣志 卷八 十七

八到 西取陳州路至上都一千八百二十里

西至東都九百六十里
東至壽州二百六十里
南至淮約一百里

西至蔡州三百六十里
西北至汴州七百里

西北至亳州二百六十里

貢賦 開元貢 總二十疋 編二十七疋
案開元賦傳寫缺

管縣四

汝陰 沈邱 潁上 下蔡

汝陰縣 上郭下

本漢舊縣屬汝南郡魏文帝黃初三年屬汝陰郡後魏

孝昌三年于此置潁州北齊廢以縣屬汝陰郡隋開皇三年罷郡以縣屬潁州武德初置信州六年復爲潁州縣皆屬焉

淮水西南流入經縣南去百里

潁水西北自陳州項城縣界流入伏于城下

汝水西南自蔡州新蔡縣界流入又東南入淮

寢邱故城在縣西北一百二十里楚相孫叔敖將死戒其子請寢邱之地卽此

古任城在縣北一里陳將任蠻奴伐齊于潁水北岸築

元和郡縣志

卷八

六

城以圍池陰

百尺堰在縣西北一百里司馬景王討王凌至百尺堰卽此

沈邱縣

中東南至州一百二十六里

本漢寢邱孫叔敖子之封一名沈邱漢爲寢縣屬汝南郡後漢加邱字東魏于此置才州高齊文宣廢州改置襄信縣隋不置縣邑至神龍二年十道使唐儉奏請分汝陰置沈邱縣

小汝水在縣北

潁上縣

中南北至州一百一十七里

本漢慎縣地屬汝南郡自漢訖宋不改隋大業二年置潁上縣屬潁州三年以潁州爲汝陰郡縣仍屬焉武德四年移于今理

淮水西南自汝陰縣界流入去縣七十里又東北入下蔡縣界

潁水西自汝陰縣界流入又東流入淮

下蔡縣 上西至州二百二十里

本漢舊縣古蔡國又吳州來之邑也按蔡國本都上蔡

元和郡縣志

卷八

七

又徙新蔡後又遷此故謂之下蔡漢以爲縣屬沛郡後漢屬汝南郡隋大業二年屬潁州十二年移于今理武德四年于此置渦州下蔡屬焉八年州廢廢縣屬潁州碇石山在縣西南六十里淮水經碇石中對岸山上築二城以防津要今按淮水以中流分界在西岸者屬下蔡在東岸者屬壽陽

淮水西南自潁上縣界流入

淝水經縣理南去縣一里入淮

碇石城魏諸葛誕反王昶據碇石以逼誕卽此城又晉

孝武帝太元八年聞苻堅入寇乃遣龍驤將軍胡彬將
水軍五千援壽春既陷退保硤石亦此城也今之縣城
在舊城東北十餘里
鄧艾廟在縣西一百二十步艾爲魏將作陂營屯田後
人賴其利因爲立祠

元和郡縣志

卷八

三

元和郡縣志卷八